



Factum du procès,

Pour Monsieur l'Euesque de Troyes, Deputez
& Syndic du Clergé du mesme lieu, receus par-
ties interuenantes avec Maistre Jean Houssier,
cy-deuant Receueur des decimes au mesme
Diocese, par Arrest du Parlement du 16. Iuin
1631. & defendeurs.

30. Contre Messire Jacques Godard Abbé Commandataire
de l'Abbaye de Moustier la Celle lez Troyes, deman-
deur aux fins des exploits des 6. May 1630. 17. Ian-
uier & 26. Feurier 1631. Et encores demandeur sui-
uant la demande portée par ses repliques du 1. Se-
ptembre audit an 1631. Et contre Messire Claude
Blondeau Doyen de Gaye Diocese de Troyes, de-
mandeur en Requête d'interuention du 2. Auril 1632.

L s'agist de sçauoir si la taxe des deman- Ce dont il s'agist.
deurs est reductible au pied du departe-
ment de 1516.

Par le Roolle de 1516. Messieurs les Cottes antien-
nes de Messieurs
les Euesques &
Chapitre de
l'Eglise de
Troyes, & des
demandeurs.
Euesque & Chapitre de l'Eglise de Troyes
estoint chacun cottisez à huitz vingts li-
ures; les Abbé de Moustier la Celle & Doyen de Gaye
à cent cinquante liures chacun: Mais quelque temps
apres la taxe des decimes ordinaires de Monsieur l'E-
uesque de Troyes de chacun terme s'est accruë ius-
ques à deux cens quatre-vingts sept liures sept sols huit
deniers pour terme: celle dudit Chapitre & de l'Abbé

A

E. 4°. 1101 Iwr. 1753

de Moustier la Celle de pareille somme chacun, & celle du Doyen de Gaye jusques à deux cents quarante liu.

*Edict de 1606.
confirmatif des
taxes, quoy que
non conformes
au roolle de
1516.*

Ces anciennes taxes, quoy que non conformes aux taxes de 1516. ont esté confirmées par l'Edict de 1606. art. 26. qui veut que les taxes faites és Dioceses, il y a desia trente ans, soient suiues & executées, encores qu'elles ne soient conformes aux taxes de 1516. le Roy y ayant pour ce regard derogé.

*Maque de
fend au Clergé.*

Quoy que les taxes des Beneficiers soient de la qualité portée par les Roalles de quatre-vingts seize, & de 1609. Neantmoins le Clergé est tousiours demeuré en reste enuers le Receueur de plus de six cens liures par an, d'autant qu'outre les treize mil cinq cens quarante neuf liures qu'il falloit porter à la récepte generale, il falloit leuer pour les gages des Receueurs Particuliers, Anciens & Alternatifs, pour la taxe des Ministres conuertis, & autres charges, comme frais de p^{ro}ces, ainsi qu'il se voit par le compte de 1622. produit par ledit Houfflet.

*Pour quel suiet
l'on ne touche
au roolle, non-
obstât la dimi-
nution de 1621.*

En l'année 1621. la taxe du Clergé de Troyes fut reduite à douze mil six cens soixante neuf liures quatre s. dix deniers; de sorte que l'on la diminua de huit cens soixante & dix-neuf liures quinze sols deux deniers.

Cette diminution deuoit demeurer suiuant le mandement de Messieurs du Clergé du 6. Octobre 1621. en fond pour les gages des nouueaux Receueurs, Controolleurs, dont sera parlé és articles suiuaus.

*Premiere charge
sur le Clergé
sur la fin de
1621.*

En la mesme année 1621. l'on receut vn mandement de Messieurs les Prelats, qui est le mesme que le precedent, auquel sont attachées des lettres d'assiette du 12. Decembre audit an 1621. pour leuer mil dix-neuf liures quatorze sols vn denier pour leur part, d'une somme que le Clergé auoit accordée au Roy en l'Assemblée de 1621. Ce qui fut payé sans auoir rejezté ceste somme sur les particuliers Beneficiers.

*Seconde charge
en ladite année.
Creation de
trois Offices.*

Au mois de Decembre de la mesme année 1621. le Roy crea trois offices de Receueurs & Controolleurs des decimes Alternatifs.

Le 1. Avril 1622. Houffet Ancien & Alternatif Receueur paya au Receueur general vnze mil quatre cens deux liures six sols pour ledit office de Receueur Alternatif aux gages de neuf cens cinquante liures trois sols dix deniers, qui estoit dix-huict deniers pour liure, tant en exercice que hors iceluy, de la recepte ordinaire dudit Diocese, lequel office de Receueur estoit vn troisieme office, puis qu'il y auoit ja l'Antien & l'Alternatif, & au mesme temps Maistre Jacques Doumengin paya pour les deux Offices de Controolleurs vnze mil quatre cens deux liures six sols.

*Deux Offices
leuez par
Houffet.*

Le Clergé de Troyes se voulant liberer de ceste surcharge qui estoit au denier douze, au Synode tenu le 22. May ensuiuant (dont l'acte est produit par les defendeurs souz C.) les Beneficiers consentirent qu'il fust procedé au remboursement des offices de Controolleurs & Receueurs nouvellement creez; supplierent les defendeurs de trouuer deniers au denier seize ou vingt, pour estre employez à l'extinction desdits trois offices, du moins desdits deux Controolleurs, & permirent que les sommes empruntées fussent leuées sur eux jusques à l'actuel remboursement desdits offices.

*Consentement
de 1622. du
Clergé de la
rembourser.*

*Le rachapt a
esté fait de
l'Office de Re-
ceueur & Con-
troolleur.*

En suite de ce, le Clergé prist pour faire le rachapt dudit office de Receueur au mesme mois de May 1622. à rente vnze mil six cens liures, sçauoir au denier vingt, dix mil liures, & le reste au denier seize.

Ce rachapt fut tres vtile; car les gages eussent monté jusques au dernier Decembre 1629. à sept mil deux cens six liures, & les droicts à treize cens cinquante trois liures treize sols. Les arrerages des rentes constituées pour ledit rachapt n'ont monté qu'à six cens liu. par an.

Voilà pour ce qui est dudit office de Receueur Alternatif.

Et quant au Controolleur Alternatif, ledit Domen- gin s'en estant fait pouruoir le 1. May 1624. l'on luy remboursa sa finance avec ses frais & gages lors escheus, montant le tout à cinq mil neuf cens cinquante huict liures: L'on emprunta pour faire ce remboursement des

Chartreux deux mil quatre cens liures au denier seize.

Ce rachapt fut pareillement tres-vtile ; car les Offices de Controolleurs auoient quatre cens soixante & quinze liures vn sol dix deniers de gages. Que si ledit Office n'eust esté remboursé, il eust eu outre seldits gages de la leuée de dix sols pour liure, cinquante cinq liures treize sols trois deniers par an, & pour les droicts des Offices creéz en 628. huit vingt six liures trois sols : Par ainsi les droicts eussent monté depuis le remboursement iusques en Feurier 1629. trois mil six cens liures.

*En 1625. nou-
uelle attributio
de gages aux
Receueurs An-
ciens Alternati-
fs.*

Au mois de Decem. 1625. le Roy attribua quatre cens soixante sept liures vnze sols huit deniers d'augmentation de gages au Receueur Ancien, & autant à l'Alternatif, moyennant cinq mil six cens vnze liures en principal : Et au Controolleur Ancien & Alternatif particulier deux cens trente-trois liures quinze sols dix deniers d'augmentation de gages, moyennant deux mil huit cens cinq liures dix sols.

Le 2. Ianuier ensuiuant Houffet (ainsi, qu'il se voit dans sa production souz D. quinziésme piece) paya au sieur d'Aguesseau deux mil huit cens cinq liures dix sols pour ledit rachapt des deniers du Clergé.

*Consentement
du Clergé de le-
uer six sols
pour liure.*

En consequence des actes d'Assemblée du Sanne des 5. & 26. May 1626. produits par les defendeurs premiere & troisiésme pieces de la cotte C. qui portent consentement de prédre argent à rente pour rachepter seldits gages ; comme aussi d'emprunter iusques à la somme de vingt mil six cens liures en principal, mesmes de leuer sur le Clergé six sols pour liure.

L'on prit au mesme temps à rente au denier seize & vingt quelques sommes, & d'icelles, comme aussi de ce que le Receueur auoit entre ses mains prouenant des six sols pour liure, l'on rachepta seldits gages, qui montoient en principal & gages à huit mil huit cens tant de liures, non compris les frais des voyages.

*Autorisé par
lettres patentes.*

Le Roy autorisa cette leuée par ses Lettres Patentes du 8. Feurier 1627. adressantes aux defendeurs, & permit d'imposer vingt mil six cens liures, & six cens cin-

3
quante liures pour les frais, pour estre employez en l'ac-
quit des deniers pris à rente.

Voicy vne troisieme surcharge.

En 628. le Clergé par contract du 17. Iuin accorda au
Roy vne somme de deniers avec pouuoir aux Dioceses
particuliers de rembourser les offices qui furent creez
par Edict, sçauoir vn Receueur & vn Controolleur
Triennal.

*Deux Offices
creez en 1628.
avec pouuoir
de les rembour-
ser.*

En suite de ce le Roy decerna ses Lettres Patentes,
adressantes aux defendeurs le dernier Iuin 1628. vn-
ziesme piece de la production dudit Houffet, portant
mandement d'imposer annuellement, à commencer au
premier iour de Iuillet, mil quatre cens quarante cinq
liures dix-huict sols dix deniers; Comme aussi d'imposer
& leuer és trois termes d'Octobre lors prochain, Féurier
& Octobre ensuiuans 1629. treize mil quatre cens tren-
te six liures vn sol neuf deniers.

A l'instant vn nommé Crosnier leua l'office de Rece-
ueur Particulier Triennal moyennant huit mil six cens
soixante & quinze liures dix sols; & Marié celuy de
Controolleur Particulier Triennal, moyennant pareil-
le somme.

*Lesdits deux
offices leuez.*

Les 29. Ianuier & 25. May 1629. les defendeurs rem-
bourserent les finances desdits offices moyennnant
l'emprunt de douze mil liures à rente & des deniers
prouenans des six sols pour liure.

*Extinction des
dits offices.*

*Emprunt de
douze mil liures
pour faire ledit
rachapt.*

S'estant iustifié par le compte que rendit Houffet le
22. Decembre 1629. desdites leuées, que les sommes
qui se leuoient n'estoient suffisantes pour payer prom-
ptement les rentes constituées pour satisfaire à l'extin-
ction des quatre offices creez en 1621. & 1628. & gages
à eux attribuez, & qu'il estoit deub par ledit compte
de 1629. vne somme notable de deniers, il fut ordonné
audit Receueur de recevoir & leuer és termes de Fe-
urier & Septembre de la mesme année 630. & autres sui-
uantes iusques au parfait remboursement & acquit du
principal, & arrerages desdites rentes la somme de qua-
tre sols pour liure des decimes ordinaires de chacun Be-

*Leuées de qua-
tre sols pour
liure.*

neficier, outre & par dessus la somme de six sols pour liure qui se leuoit.

*Autorisées par
lettres patentes.*

Cet aduis fut suiuy de lettres patentes du 1. Auril ensuiuant, cinquieme piece de la production dudit Houffet souz C. pour leuer lesdits quatre sols pour liure, & d'une ordonnance des Deputez du 15. Auril, qui est fol. 2. Rect. de ladite piece.

*Ratification
desdites leues
par tous les Be-
neficiers.*

Du depuis par acte du Sanne du 14. May, cinquieme piece de la production des defendeurs souz C. cette leuée des quatre & six sols fut agréée par tous les Beneficiers, & fut le terme de Feurier 1630. des quatre & six sols pour liure payé par le Chapitre de Troyes & autres communautéz, comme aussi par tous les autres Beneficiers, ainsi qu'il se iustifie par le Compulsoire de leurs quittances, produit souz la corte D. par Houffet, dixieme piece.

*Sujet du presens
proces.*

Le sieur Godard Abbé de Moustier la Celle ayant esté cottisé pour le terme de Feurier 1630. pour l'augmentation desdits quatre sols pour liure à vne somme de cinquante sept liures neuf sols six deniers, le 6. May 630. il fit assigner Houffet Receueur, aux Requestes du Palais, à fin d'apporter lettres & exploicts en vertu dequels il auoit fait faire commandement à son Fermier de payer ladite somme de cinquante sept liures neuf sols six deniers, qu'il seroit receu opposant & deschargé de ladite taxe.

*Demande du
sieur Godard.
Premiers.*

Deuxiesme.

Par autre exploict du 17. Ianuier 1631. il a exposé qu'encores que tous les Beneficiers ne doiuent payer que trois Decimes sur le pied de l'ancienne taxe de 1516. & outre ce deux autres taxes, l'une de trois sols pite pour liure, & l'autre appellée l'outreplus, que ces taxes ne montent par chacun an, pour ce qui regarde l'Abbé de Moustier la Celle, qu'à quatre cens liures ou enuiron, que neantmoins Houffet luy auoit fait payer par chacun an cinq cens quatre-vingt quatorze liures rant de sols, qu'il donne ses quittances indefinies sans faire declaration des taxes particulieres imposées sur ladite Abbaye de Moustier la Celle, a conclud à ce que ledit Houffet fust con-

7
damné de représenter le Roolle des decimes depuis l'année 1616. pour se voir condamner luy rendre ce qui se trouueroit auoir esté pris & receu, outre & par dessus lesdites taxes, & qu'en cas que les taxes fussent conformes audit Roolle se pouruoir par ledit sieur Godard contre les Deputez du Clergé, & outre pour se veoir condamner à luy bailler quittances distinctement de chacune nature de deniers, à quoy il sera cy-apres taxé par lesdits Deputez.

Il conclud pareillement par ses escritures du 1. Septembre 1631. à ce qu'à l'aduenir sa taxe soit reformée & reduitte au pied du departement de 1516. Plus à ce que lesdits sieurs Euesque & Deputez soient condamnez de luy rendre les sommes de deniers qui ont esté exigées de luy par chacun an, depuis l'année 1616. pour les decimes ordinaires & extraordinaires, outre & par dessus sa taxe legitime sur le pied de la decime de 1516. condamnez de luy rendre la somme à laquelle se peut monter sa part & portion de la remise faite au Clergé de Troyes, depuis l'année 1621. iusques à present. Plus, que lesdits sieurs Euesque, Syndic & Deputez, ensemble ledit Houffet soient condamnez de luy rendre les deniers qu'ils ont touchez & receus prouenant de la vente de ses grains, outre & par dessus la somme de cent cinquante liures, & la somme à laquelle se trouueroit monter l'outre-plus, eu esgard à la taxe legitime de ses decimes ordinaires sur le pied du departement de ladite année 1516. sans prejudice de l'instance pendante au Parlement pour le Reglement des Assemblées du Clergé du Diocèse de Troyes, & pour la nullité pretendue des leuées extraordinaires ordonnées par ledit sieur Euesque de Troyes, Syndic & Deputez, sans l'adueu & consentement (à ce qu'on pretend) des Communautéz.

Troisieme.

Quant au sieur Blondeau il a conclud à ce que sa taxe soit reduitte sur le pied de la decime de 1516. Que distraction sera faite sur sa taxe des taxes particulieres des trois offices de son Doyenné, qui sont le Preuost, le Chambrier & le Sacristain : les defendeurs condamnez

*Demande du
sieur Blon-
deau.*

de luy rendre ce que peut monter sa part de la remise de 1621. comme aussi de luy rendre tous les deniers des leuées extraordinaires faites sans lettres d'affiette vérifiées au Bureau, particulièrement pour les deniers des années 1624. 25. & 26. & que ledit Houffet sera contraint de donner des quittances qui porteront des sommes distinctes.

*Response à la
premiere de-
mande du
6. May,*

Contre la premiere demande du 6. May, les defendeurs ont remonstré que le Roy ayant créé en 1628. deux offices dont les quittances de finances montent à dix-sept mil trois cens cinquante vne liure, ainsi qu'il a esté remonstré cy dessus, que l'on emprunta douze mil liures, & de cet emprunt ensemble des deniers prouenant des dix sols pour liure, l'on rachepa lesdits offices, qui a esté vn fort bon mesnage, car sans ce rachapt l'on eust payé quatorze cens quarante cinq liures dix-huict sols quatre deniers de gages par chacun an, & les rentes constituées ne montent par chacun an qu'à six cens tant de liures.

Du depuis le Roy attribua aux Receneurs & Controlleurs Prouinciaux huict cens quarante cinq liures trois sols de gages inextinguibles: Or d'autant que les six sols d'extraordinaires n'estoient pas suffisans, le Roy permis la leuée des quatre sols par ses lettres patentes du premier Auiil 1630. precedées de l'ordonnance du Clergé du 17. Ianuier confirmée par celle du 15. ensemble de celle du 14. May du Sanne, partant ceste leuée ayant esté faite du consentement de toutes les Communautéz Ecclesiastiques, les demandeurs ne sont point receuables à la contester, eux ayans esté appelez aux Sannes aussi bien que les autres Ecclesiastiques, & partant reputez presens & y auoir presté leur consentement.

*Quatre raisons
qui iustificent
estre impossible
de reduire les
taxes à celles
de 1516.
La premiere.*

La seconde demande qui regarde la reduction des taxes sur le pied de la decime de 1516. n'est point receuable pour quatre raisons.

La premiere qu'il a esté monstré cy-dessus, que par l'Edict de 1606. art. vingt-six, le Roy confirme toutes les taxes faites es Dioceses, il y a ja trente ans, quoy qu'elles

les ne fussent conformes aux taxes faites en 1516. Or la taxe des demandeurs est tres-ancienne, partant elle ne peut estre reformée.

La seconde, qu'il est invtile de faire mention de la cotte de 1516. des trois decimes, de l'outre-plus, & des trois sols pite, car les defendeurs ne scauent que c'est de cet outre-plus & de ces trois sols pite, n'ayant esté faite de leur cognoissance qu'une seule taxe pour les decimes ordinaires: Pour exemple, celle du sieur Abbé de Moustier la Celle, de cinq cens soixante quatorze liures quinze sols chacun an, outre que le Roy par son Edict de mil cinq cens quatre vingts dix-neuf, art. 29. ayant déclaré la leuée de l'outre-plus, trois sols pite ou quatre deniers obole pour liure, estre vne subvention ordinaire, & cette leuée ayant esté confuse avec la taxe ordinaire, il faut demeurer aux termes des taxes anciennes.

La troisieme, que Monsieur l'Euesque de Troyes, le Chapitre du mesme lieu & le sieur Abbé de Moustier la Celle, ayans tousiours esté cottisez à vne mesme somme, ainsi qu'il se voit par les roolles depuis 1570. jusques à present, qui est de deux cens quatre-vingts sept liures sept sols huit deniers à chaeun terme, comme lesdits Sieurs Euesque & Chapitre ont tousiours payé leur taxe, le Sieur Abbé de Moustier la Celle moins favorable qu'eux (qui ont de grandes charges) ne se peut plaindre de sa taxe.

La quatrieme, qu'il est impossible de toucher aux taxes, soit que l'on regarde l'interest particulier des Ecclesiastiques, soit le general du Clergé.

La raison particuliere est, que les demandeurs qui demandent la reformation des taxes, deuroient faire quelque ouuerture sur quels beneficiers ils voudroient qu'on rejetast la diminution qu'ils demandent: Ce ne peut-estre sur les Curez qui meriteroient d'estre entierement deschargez à cause de leur pauvreté, ce ne peut pas estre sur les grands beneficiers de la qualité des demandeurs; car la moindre taxe qu'on leur donneroit

par augmentation produiroit plus de procès que le bureau n'en pourroit juger en dix ans. Mais les raisons qui regardent tout le Clergé sont aussi pressantes que les particulieres, par ce qu'il ne faudroit pas vn mois; mais vn siecle pour informer de la valeur de cent ou six vingts Eueschez, de deux ou trois mil tant Abbayes que Prieurez, sept ou huit mil Cures: Ce qui plongeroit l'Eglise en vne confusion. Que si vous, Messieurs, auiez fait la moindre ouuerture de cette reformation, vous ne pourriez rendre compte à DIEU de la playe qu'auriez faite au Clergé, mettant au iour par vne si dangereuse recherche de la valeur des benefices, ce que le Clergé a tousiours desiré estre caché; partant soustiennent les defendeurs que les taxes doiuent estre confirmées.

*Response à ce
qui regarde la
remise de 1621.*

Quant à ce qui regarde la restitution de la somme à laquelle se monte la portion des demandeurs de la remise de 1621. disent les defendeurs qu'il a esté dit cy dessus, que le fonds par l'ordonnance de Messieurs du Clergé estoit destiné au payement des gages des nouveaux Officiers: outre qu'il y a tousiours eu manque de fond à la recepte du Clergé, en telle sorte que si cette remise n'eust esté faite en 1621. eux qui estoient tousiours en reste enuers leur Receueur, ainsi qu'il se voit par le compte de 1622. eussent esté grandement incommodez, s'ils n'eussent eu cette remise, dont la jouissance fut courte: Car (comme il a esté dit cy dessus) en la mesme année 1621. l'on leur fit payer mil dix-neuf liures quatorze sols vn denier: Et en la mesme année 1621. l'on crea lesdits offices qui ont esté racheptez.

Charges ordinaires du Clergé de Troyes.

Du depuis les charges ordinaires ont monté jusques à quinze mil vingt sept liures vnze sols cinq deniers, scauoir à la recepte generale douze mil six cens soixante & neuf liures quatorze sols vn denier, pour les gages du Receueur Ancien & Alternatif dix-sept cens quarante trois liures quatre sols huit deniers, Au Controolleur Particulier Ancien & Alternatif dix-sept cens quarante trois liures quatre sols huit deniers, Au Controol-

leur Particulier Ancien qui n'a esté remboursé quatre cens soixante & quinze liures vn sol vn denier, les non valeurs par an sept vingts liures: Par ainsi, quoy que les *Raisons pour lesquelles il a esté impossible de diminuer les taxes depuis 1621.* defendeurs n'ayent diminué le roolle ordinaire de la remise de 1621. il a esté impossible de diminuer les taxes, y ayant encores manque de fond annuellement deu au Receueur, lequel si l'on eust diminué les cottes, eust esté contraint de leuer par extraordinaire sur le Diocèse ce qui eust manqué de fond, dont le Clergé eust receu de la perte; par ce que de tous les deniers qui se leuent par extraordinaire, le Receueur a droit d'un sol pour liure, & le Controolleur trois deniers pour liure, & partant les demandeurs ne peuuent pas demander leur part de cette diminution: tous les deniers leuez (ainsi qu'il appert par les comptes produits par ledit Houssier pieces 22. 24. & 42.) ayans tourné au profit du Clergé.

Le defect d'enregistrement des lettres d'affiettes des 26. Février 1627. pour les six sols, & de celles du premier Avril 1630. pour la leuée des quatre sols pour liure, ne peut estre imputé aux defendeurs, d'autant que *Response au pretendu defect d'enregistrement des Lettres Patentes de 627. & 630.* outre que l'adresse d'icelle en estoit faire aux defendeurs seuls, c'est que l'Edict de creation des Offices de 1621. & 1628. permettant aux Dioceses d'imposer sur eux pour rembourser lesdits Offices, l'obtention des lettres d'affiettes n'estoit pas mesme necessaire, & partant ayans les defendeurs promptement suruenus à l'urgente necessité des affaires du Roy, le manque pretendu d'enregistrement ne leur peut estre objecté; ne le pouuant faire sans vne perte euidente. L'exemple en resulte de la leuée qui debuoit estre faite en suite du mandement du Roy de 1628. d'imposer sur eux treize mil quatre cens trente six liures vn sol deux deniers, le mandement ne fut receu que sur la fin de l'année: Que s'ils eussent esté necessitez d'enuoyer controoller leurs lettres, & icelles enregistrer en vostre bureau, il se fust passé vn long-temps: ce qui les eust engagez en de grands frais, soit en voyages en cette ville de Paris, soit

pour satisfaire aux frais des courses des Sergens que le Receueur generaleust enuoyé faute du payement du tiers de ladite somme.

L'on ne peut pas dire que ces leuées ayent esté faites sans auis des Communautez, d'autant que toutes les Communautez & autres Ecclesiastiques estans obligez de se trouuer au Synode qui se tient tousiours la sepmaine deuant la Pentecoste, *dies interpellat pro homine*, les demandeurs sont reputez auoir esté assignez aussi bien que les autres Beneficiers, & donné leur auis & consentement à ces leuées approuuées & ratifiées par tous les autres Beneficiers, dont les deux tiers obligent le surplus.

Tout ce que dessus seruira de response à ce qu'objecte le sieur Blondeau Doyen de Gaye, qui fait les memes objections que ledit sieur Godard; sinon qu'il dit en particulier qu'il y a trois Offices en son Doyenné qui doiuent estre cottisez separement.

Response, que les defendeurs ne sçauent que c'est que de ces Offices, & n'ont point trouué sur leurs roolles faits depuis quarante ou cinquante ans lesdits pretendus Offices claustraux.

Pattant esperent les defendeurs, que vous, Messieurs, declarerez lesdits sieurs Godard & Blondeau non receuables en leurs demandes, & les condemnerez aux despens, dommages & interests desdits sieurs Euesque, Deputez & Syndic.

Monsieur PIDOVX, Rapporteur.